

起起飲沉瀆朝紫清人間紅塵刺人眼世上蠅蠅徒爾亂豈復  
知此爽氣佳已被高人俱占斷

拙菴

笑攜藜杖倚寒松現世神仙一拙翁冠簡投關離玉闕天人推  
出鎮琳宮身居星弁霞裾上心在煙都月府中豈是摩挲令髮  
黑不須服餌自顏紅百年贏得十分訥萬事算來俱是空解織  
蜘蛛空結網能言鸚鵡被樊籠閑將世味閑中嚼靜把天機靜  
處窮學巧不如藏巧是忘機不與用機同虛空不語虛空廣造  
化無聲造化公六賊奈人閑不得十魔見我懶相攻凝神多得  
伴呆力養氣無非守口功欲雨只消呼澆濕雲雷畧自召靈露

道藏輯要

白真人集二

七

雙集二  
又川文

人間若也不容住學騎白鶴乘天風

詠雪於清虛堂火閣

原本重出

長空慘慘晝如夜巖風刮得雪片下寒猿傍樹不敢聲江梅羞  
開恐易謝萬山無限落葉愁處處凝烟纏草舍枯槎凍僵不復  
活飛廉截住陽春赦餒虎呼雛入巖臥過鳥如梭鑽樹罅園林  
蕭索無一物幾夜霜威煞無藉欲雨不雨數點霰雪意沈吟天  
似詐滿空飛起楊花架三日兩日凍不化眼前幻出白玉樓誰  
敢登陟空嗟訝肌膚生粟鼻流水前村新醅復增價漁翁溪畔  
笑收網魚亦不知鈎有麝洗鎗簇火煎雪茶垂簾盡足說清話  
呼童鑿碎硯中冰呵手團藥結詩社詩成此景尙自爾安得王

維收入畫

悲秋辭

蟲聲樹聲各已變吾知流年暗中換晝烏夜兔忙如箭秋光漸  
入蘆花岸蘆花白兮蓼花紅鴻雁踰滿荻叢牡丹海棠如夢  
中蓮藕香散池館空人生歲月去如水燕去鶯歸一彈指星霜  
磨老道人心滿目世人紛如蟻感今慨昔令人愁乃知宋玉非  
悲秋江山紫翠饒漢唐風物不復追商周古人混混去不返今  
人紛紛知何限古人憐今今憐古夕陽影裏雲影亂此身飄飄  
如遊塵身體髮膚皆他人尙餘方寸管喜怒哀不敢漏泄天公嗔  
向時歡娛成冷落誰與感慨憐蕭索定知悲喜聚散因世間果  
道藏輯要

白真人集二

三

婁集二

無揚州鶴所可悲者貧且孤覽鏡自笑清而癯安能十事九如  
意定數豈復人能踰秋風起兮秋水寒秋心悲兮秋興酸佳人  
一去不復還顧影度此時光難此心寥寥秋夜月孤光散入寒  
光濶夜深月落無人知江上漁翁空網撒不堪舉此向愁人使  
人泣下肝腸裂何人爲我調素琴疊疊爲我寫孤襟庶令鬼神  
伴伊泣山空樹冷風蕭森

永州花月樓

春風夜飛招月檄檄月司花月供職月落千嬌百媚叢諸花爲  
月妍爲容樓東月照樓西皎樓西月向樓東笑月與花戲天中  
流花與月浴江中浮月皆不管春風怒花爲月歌爲月舞舞者